

Modlitwy wieczorne

Молитвы на сон грядущим

+ Во імя Отца, і Сына, і Святаго Духа. Амінь.

Господи Ісусе Христе, Сыне Божий, молитв ради Пречистыя Твоея Матере, преподобных і богоносных отец наших і всіх святых, помилуй нас. Аминь.

Слава Тебе, Боже наш, слава Тебе.

Царю Небесный, Утішителю, Душе істины, іже везде сый і вся ісполняяй, Сокровище благих і жизни Подателю, прииди і вселися в ны, і очисти ны от всякия скверны, і спаси, Блаже, души наша.

Святой Боже, Святой Кріпкий, Святой Безсмертный, помилуй нас. Зх

+ Слава Отцу і Сыну і Святому Духу, і nyní і присно і во віки віков. Амінь.

Пресвятая Троице, помилуй нас; Господи, очисти гріхи наша; Владыко, прости беззакония наша; Святой, посети і ісцили немощи наша, імене Твоего ради.

Господи, помилуй. Зх

+ Слава Отцу і Сыну і Святому Духу, і nyní і присно і во віки віков. Амінь.

Отче наш, Іже еси на небесіх! Да святится імя Твое, да приідет Царствіе Твое, да будет воля Твоя, яко на небеси і на земли. Хліб наш насущный даждь нам днесь; і остави нам долги наша, якоже і мы оставляем должником нашим; і не введи нас во іскушеніе, но ізбави нас от лукаваго.

Тропарі

Помилуй нас, Господи, помилуй нас; всякаго бо отвѣта недоуміюще, сію Ти молитву яко Владыці грішніи приносим: помилуй нас.

+ Слава Отцу і Сynu і Святому Духу.

Господи, помилуй нас, на Тя бо уповахом; не прогнівайся на ны зѣло, ниже помяни беззаконіи наших, но призри і ныні яко благоутробен, і избави ны от враг наших; Ты бо еси Бог наш, і мы людіе Твої, всі діла руку Твоею, і імя Твое призываем.

І ныні і присно і во віки віков. Амінь.

Милосердія двери отверзи нам, благословенная Богородице, надіющіися на Тя да не погибнем, но да избавимся Тобою от бѣд: Ты бо еси спасеніе рода христіанскаго.

Господи, помилуй. 12х

Боже вічний і Царю всякаго созданія, сподобивый мя даже в час сей dospіти, прости ми гріхи, яже сотворих в сей день ділом, словом і помышленіем, і очисти, Господи, смиренную мою душу от всякія скверны плоти і духа. І даждь мѣ, Господи, в ноци сей сон прейти в мирі, да востав от смиренного мѣ ложа, благоугожду пресвятому імени Твоему, во вся дни живота моего, і поперу борющія мя враги плотскія і безплотныя. І избави мя, Господи, от помышленіи суетных, оскверняющих мя, і похотей лукавых. Яко Твое есть царство, і сила і слава, Отца і Сына і Святаго Духа, ныне і присно і во віки віков. Амінь.

Вседержителю, Слово Отчее, Сам совершен сый, Ісусе Христе, многаго ради милосердія Твоего никогдаже отлучайся мене, раба Твоего, но всегда во мні почивай. Ісусе, добрый Пастырю Твоих овец, не предаждь мене крамолі зміни, і желанію сатаніну не остави мене, яко сімя тлі во мні есть. Ты убо, Господи Боже покланяемый, Царю Святой, Ісусе Христе, спяща мя сохрани немерцающим світом, Духом Твоим Святым, імже освятил еси Твоя

ученики. Дажь, Господи, і мні, недостойному рабу Твоєму, спасеніє Твое на ложи моем: просвіти ум мой світом разума святого Евангелія Твого, душу любовію Креста Твого, серце чистотою словесе Твого, тіло мое Твоєю страстію безстрастною, мысль мою Твоїм сміренієм сохрани, і воздвигни мя во время подобно на Твое славословіє. Яко препрославлен еси со Безначальным Твоїм Отцем і с Пресвятым Духом во віки. Амінь.

Господи Боже наш, еже согріших во дни сем словом, ділом і помышленієм, яко Благ і Человіколюбец прости мні. Мірен сон і безмятежен даруй мні. Ангела Твого хранителя посли, покрывающа і соблюдающа мя от всякаго зла, яко Ты еси хранитель душам і тілесем нашим, і Тебї славу возсылаем, Отцу і Сыну і Святому Духу, ныні і присно і во віки віков. Амінь.

Господи, не лиши мене небесных Твоих благ. Господи, избави мя вічних мук. Господи, умом ли іли помышленієм, словом іли ділом согріших, прости мя. Господи, избави мя всякаго невіденія і забвенія, і малодушія, і окамененнаго нечувствія. Господи, избави мя от всякаго іскушенія. Господи, просвіти мое серце, еже помрачи лукавое похотеніє. Господи, аз яко чоловік согріших, Ты же яко Бог щедр, помилуй мя, видя немощь души моея. Господи, посли благодать Твою в помощь мні, да прославлю імя Твое святое. Господи Іісусе Христе, напиши мя раба Твого в книзі животней і даруй мні конец благий. Господи, Боже мой, аще і ничтоже благо сотворих пред Тобою, но даждь ми по благодати Твоей положити начало благое. Господи, окропи в сердці моем росу благодати Твоея. Господи небесе і земли, помяни мя грішнаго раба Твого, студнаго і нечистаго, во Царствії Твоем. Амінь.

Господи, в покаяніі приими мя. Господи, не остави мене. Господи, не введи мене в напасть. Господи, даждь мні мысль благу. Господи, даждь мні слезы і память смертную, і умиленіє. Господи, даждь мні помысл ісповедання гріхов моїх. Господи, даждь мні сміреніє, целомудріє і послушаніє. Господи, даждь мні терпініє, великодушіє і кротость. Господи, всели в мя корінь благих, страх Твой в серце мое. Господи, сподоби мя любити Тя

от всея души моея і помышленія і творити во всім волю Твою. Господи, покрий мя от человек некоторых, і бісов, і страстей, і от всякія іныя неподобныя вещи. Господи, віси, яко твориши, якоже Ты волиши, да будет воля Твоя і во мні грішним, яко благословен еси во віки. Амінь.

Благаго Царя благая Мати, Пречистая і Благословенная Богородице Марие, милость Сына Твоего і Бога нашего ізлей на страстную мою душу і Твоіми молитвами настави мя на діяння благая, да прочее время живота моего без порока преїду і Тобою рай да обрящу, Богородице Діво, едина Чистая і Благословенная.

Ангеле Христов, хранителю мой святой і покровителю души і тіла моего, вся ми прости, елика согріших во днешний день, і от всякаго лукавствія противнаго ми врага ізбави мя, да ни в коемже грісі прогніваю Бога моего; но моли за мя грішнаго і недостойнаго раба, яко да достойна мя покажеші благости і милости Всесвятыя Троицы і Матере Господа моего Іісуса Христа і всіх святых. Амінь.

Кондак Богородиці

Взбранной Воеводі побідительная, яко ізбавльшеся от злых, благодарственная воспісуем Ти раби Твои, Богородице, но яко імущая державу непобідимую, от всяких нас бід свободи, да зовем Ти; радуйся, Невісто Неневістная.

Преславная Приснодіво, Мати Христа Бога, принеси нашу молитву Сыну Твоему і Богу нашему, да спасет Тобою души наша.

Все упованіе мое на Тя возлагаю, Мати Божия, сохрани мя под кровом Твоим.

Упованіе мое Отец, прибїжище мое Сын, покров мой Дух Святой: Троїце Святая, слава Тебі.

Достойно есть яко воістинну блажити Тя, Богородицу, Присноблаженную і Пренепорочную і Матірь Бога нашего. Честнійшую Херувим і славнійшую без сравненія Серафим, без

істленія Бога Слова рождшую, сущую Богородицу Тя величаем.

+ Слава Отцу і Сynu і Святому Духу, і ныне і присно і во віки віков. Аминь.

Господи, помилуй. Зх

Господи Іісусе Христе, Сыне Божий, молитв ради Пречистыя Твоея Матере, преподобных и богоносных отец наших і всіх святых, помилуй нас. Амиінь.

Да воскреснет Бог, і расточатся врази Его, і да біжат от лица Его ненавидящі Его. Яко ісчезает дым, да ісчезнут; яко тает воск от лица огня, тако да погибнут біси от лица любящих Бога і знаменующихся крестным знаменіем, і в веселії глаголющих: радуйся, Пречестный і Животворящий Кресте Господень, прогоняяй бісы силою на тебї пропятаго Господа нашего Іісуса Христа, во ад сшедшаго і поправшего силу дияволю, і даровавшего нам тебе Крест Свой Честный на прогнаніе всякаго супостата. О Пречестный і Животворящий Кресте Господень! Помогай мї со Святою Госпожею Дівою Богородицею і со всіми святыми во віки. Амінь.

Ослаби, остави, прости, Боже, прегрішенія наша, вольная і невольная, яже в слові і в ділі, яже в відініі і не в відініі, яже во дни і в ночи, яже во умі і в помышленії: вся нам прости, яко Благ і Человіколюбец.

Ненавидящих і обидящих нас прости, Господи Человіколюбче. Благотворящим благосотвори. Братиям і сродником нашим даруй яже ко спасенію прошенія і жизнь вічну. В немощех сущия посіти і ісцеленіе даруй. Іже на мори управи. Путешествующим спутешествуй. Православным христіаном споборствуй. Служащим і мілюющим нас гріхов оставленіе даруй. Заповідавших нам недостойным молитися о них помилуй по веліцей Твоей милости. Помяни, Господи, прежде усопших отец і братії наших і упокой їх, ідіже присіщаєт світ лица Твоего. Помяни, Господи, братії наших плінєнных і ізбави я от всякаго обстоянія. Помяни, Господи, плодоносящих і доброділающих во святых Твоих церквах,

і даждь ім яже ко спасенію прошенія і жизнь вічную. Помяни,
Господи, і нас, сміренних і грішних і недостойных раб Твоих, і
просвіти наш ум світом разума Твоего , і настави нас на
стезюзаповідей Твоїх, моли́твами Пречистыя Владычицы нашея
Богородицы і Приснодівы Маріі і всіх Твоих святих: яко
благословен еси во віки віков. Амінь.